



高麗史

列傳

五十六

伊呂波  
2809  
56





特 9 併 6  
2809  
56

已字

列傳卷第三

高麗史九十

已字上



別段

正憲大夫工曹判書集賢殿大提學知 經筵春秋館事兼成均大司成臣鄭麟趾奉  
教修

宗室一 二十下 4

高麗封宗室之親且尊者曰公其次為侯疎者為伯幼者為司徒司空摠稱曰諸王皆不任事所以保親親也今據舊錄作宗室傳公主別附其後

太祖二十五子莊和正后吳氏生惠宗神明

高麗史卷九十一



王太后劉氏生太子泰定宗光宗文元大王  
貞證通國師神靜王太后皇甫氏生戴宗旭  
神成王太后金氏生安宗郁貞德王后柳氏  
生王位君仁愛君元莊太子助伊君獻穆大  
夫人平氏生壽命太子東陽院夫人庚氏生  
孝穆太子義孝隱太子肅穆夫人生元寧太  
子天安府院夫人林氏生孝成太子珠琳孝  
祗太子興福院夫人洪氏生太子稷小廣州  
院夫人王氏生廣州院君聖茂夫人朴氏生

孝悌太子孝明太子法登君資利君義城府  
院夫人洪氏生義城府院大君  
太子泰無嗣

文元大王貞史逸封贈之由子千秋殿君尚  
光宗女阿志君早卒史皆逸其名  
證通國師史逸其名

戴宗旭光宗二十年卒子孝德太子成宗敬  
章太子成宗即位追尊睿聖宣慶太王廟號  
戴宗即故葬號泰陵柎享大廟穆宗五年加



號和簡顯宗五年加恭慎十八年又加顯獻  
安宗郁居第在王輪寺南與景宗妃皇甫氏  
私第近景宗薨妃出居其第郁遂烝有身事  
覺成宗流郁泗水縣謂曰叔犯大義故流之  
慎勿焦心命內侍謁者高玄押送玄還郁贈  
詩曰與君同日出皇畿君已先歸我未歸旅  
檻自嗟猿似鎖離亭還羨馬如飛帝城春色  
魂交夢海國風光泪滿衣聖主一言應不改  
可能終使老漁磯初流郁之日皇甫氏免身

而卒成宗爲擇傅姆養其兒兒至二歲姆常  
誨之曰爺一日成宗召見姆抱以入兒仰視  
成宗呼云爺就膝上捫衣襟又再呼爺成宗  
憐之下淚曰此兒深慕父也遂送泗水以歸  
郁是爲顯宗郁工文辭又精於地理嘗密道  
顯宗金一囊曰我死以金贈術師今葬我縣  
城隍堂南歸龍洞必伏埋成宗十五年郁卒  
于貶所顯宗如其言將葬請伏埋術師曰何  
大忙乎明年二月顯宗還京及即位追尊孝



穆大王廟號安宗八年四月移葬乾陵五月  
加號憲景十二年改孝穆爲孝懿十八年加  
聖德後稱武陵

王位君史逸其名無嗣

仁愛君史逸其名無嗣

元莊太子史逸其名子興芳宮大君亦逸其  
名

助伊君史逸其名無嗣

壽命太子史逸其名子弘德院君圭

孝穆太子義生一子出家

孝隱太子史逸其名或稱東陽君性險戾交  
結群小潛懷異圖光宗賜死子琳禎孝隱之  
死琳禎以幼獲免逃竄糊口民間康兆用事  
奏授琳禎爵給臧獲田莊屬宗籍琳尚書左  
僕射卒禎太子詹事上輕車都尉顯宗三年  
卒謚溫潔贈工部尚書

元寧太子史逸其名子孝當太子

孝成太子琳珠無嗣



孝祗太子史逸其名無嗣

太子稷無嗣

廣州院君史逸其名惠宗二年外舅王規欲立以為王謀逆見誅院君亦不知所終

孝悌太子史逸其名早卒無嗣

孝明太子史逸其名早卒無嗣

法登君史逸其名早卒無嗣

資利君史逸其名早卒無嗣資利方言季子義城府院大君史逸其名無嗣

惠宗二子義和王后林氏生興化宮君宮人

哀伊主生太子濟

興化宮君史逸其名

太子濟無嗣

定宗一子文成王后朴氏生慶春院君

慶春院君史逸其名

光宗二子大穆王后皇甫氏生景宗孝和太

子

孝和太子史逸其名無嗣



顯宗五子元成太后金氏生德宗靖宗元惠  
王后金氏生文宗平壤公基宮人韓氏生檢  
校太師忠

平壤公基顯宗十二年命名賜禮物二十二  
年冊爲弘仁崇孝光德功臣守太尉兼尚書  
令開城國公靖宗初冊加守太保冊曰固本  
枝而永世往代今猷分寶玉以展親先王美  
範是封崇於戚里作藩屏於王家既有元功  
合加寵數咨爾基靈源誕跡偉器推名志篤

忠貞身勤夾輔爰遵規於九錫乃授職於三  
公賜以奇珍兼之命服今遣某官某備禮冊  
命汝爲守太保階勲餘並如故體予丕訓勵  
乃深誠文宗初基病下制遣醫視疾又其生  
日賜禮幣後改封平壤公三年加守太師兼  
內史今十五年又加中書令二十三年卒後  
追封靖簡王子進琚瑛進太尉琚司空早卒  
初校尉巨身謀廢王立基二十六年兵士張  
善上變告命誅巨身夷其族基已死乃流璉



于海南瑛以幼免又以平章王懋崇長寧宮  
主李氏遂安宅主李氏與其謀乃放懋崇及  
其子理于安東長寧宮主遂安宅主于谷州  
擢善爲將軍子孫各賜職一級璉尋卒瑛尚  
靖宗女保寧宮主封樂浪伯加守司徒獻宗  
時拜開府儀同三司進爲侯肅宗加輸忠功  
臣守太尉食邑二千戶食實封三百戶睿宗  
七年卒年七十謚敬安子楨稹楨授檢校尚  
書右僕射進檢校司空尚肅宗興壽公主加

特進檢校司徒守司空承化伯食邑二千戶  
食實封三百戶賜贊化功臣號仁宗八年卒  
子梓杞梓檢校右僕射守司空毅宗十八年  
卒杞尚睿宗女承德公主子瑊璞珽珽封信  
安伯康宗爲太子納其女爲妃後進爲侯明  
宗八年卒子沅楨沅封桂城侯子璟璿禧祺  
璟封清化侯高宗四十六年卒子溫楫綽珽  
溫封承化侯元宗十一年三別抄叛逼溫爲  
王據珍島蒙古遣綽子雍熙等來討綽屬雍



熙曰救溫死及破珍島洪茶丘先入殺之及其子守司徒桓楮封丹陽伯子潛封長陽公綽封永寧公美容儀慷慨有志略善騎射讀書通大義高宗二十八年稱爲王子入質蒙古四十年從蒙古也密大王圍攻忠州王賜綽書曰昔爾入侍天庭之日出自誠心決然獨斷以一介孤身代三韓萬姓而往者豈以一身之安危憂樂爲慮哉但爲國爲家庶全忠孝耳十餘年間險阻艱難千態萬狀殆不

可容說雖然夙志如彼能不益殫誠懇求安社稷乎且邈在萬里外猶望庇於本國幸今至此三韓萬姓冀蒙力護想爾意何如也矧又孝誠所格天地尚有感動今大王以寬仁字小爲任苟或見爾孝懇哀哀有不可忍之者則其有不動心哉汝當切迫陳達俾大軍解圍反旆則非特老人悅懌舉一國更生矣其忠孝兩全流名萬世正在此時四十一年蒙古帝知綽非王親子謂綽曰汝雖非王子



本王族以處吾土即吾黨也乃奪阿母保馬  
三百匹賜之縉又與車羅大帥兵五千來攻  
諸郡至尚州而還郎將蔡取和謂曰捐妻子  
從公絕域者欲安國家耳今無一毫事利國  
與叛臣無異遂逃還逆豎鄭子明以告縉縉  
遣人追斬之初縉之入質也寓於東京揔管  
洪福源積不平縉妻奏于帝殺福源語在福  
源傳後福源子茶丘訴縉於帝曰真金太子  
中書令也求寧公高麗尚書令故自謂秩等

於皇太子帝大怒奪縉所領兵馬子雍熙誠  
禔和琳雍封信安侯子疊司空熙封光化侯  
子珩玖皆司空誠封寧仁侯子元司空禔守  
司徒和司徒子衍正尹衍子彬永寧君恭愍  
十七年來自元曰元朝政亂民饑群盜日盛  
元祚不久矣琳和義君子琚和義大君恭愍  
五年流南海子瑄義瓊瑄封襄陽君子珪封  
壽延君恭讓四年流遠地子評元尹義封德  
豐府院君瓊封壽興君子福封保寧君恭讓



本王族以處吾土即吾黨也乃奪阿母俛馬  
三百匹賜之縉又與車羅大帥兵五千來攻  
諸郡至尚州而還郎將蔡取和謂曰捐妻子  
從公絕域者欲安國家耳今無一毫事利國  
與叛臣無異遂逃還逆豎鄭子明以告縉縉  
遣人追斬之初縉之入質也寓於東京搃管  
洪福源積不平縉妻奏于帝殺福源語在福  
源傳後福源子茶丘訴縉於帝曰真金太子  
中書令也永寧公高麗尚書令故自謂秩等

於皇太子帝大怒奪縉所領兵馬子雍熙誠  
禔和琳雍封信安侯子疊司空熙封光化侯  
子珩玖皆司空誠封寧仁侯子元司空禔守  
司徒和司徒子衍正尹衍子彬永寧君恭愍  
十七年來自元曰元朝政亂民饑群盜日盛  
元祚不久矣琳和義君子琚和義大君恭愍  
五年流南海子瑄義瓊瑄封襄陽君子珪封  
壽延君恭讓四年流遠地子評元尹義封德  
豐府院君瓊封壽興君子福封保寧君恭讓



四年流遠地瑛守司空子維封咸寧侯瑋封  
河源公子佺封新安公元宗二年卒禧守司  
徒子珪守司徒珪子敬封漢南君積有容儀  
尚明宗女延禧宮主封寧仁侯好文學尤嗜  
釋老孜孜爲善得保終始高宗七年卒謚肅  
懿子佺尚神宗女敬寧宮主初封始興伯後  
進爲侯又進封淮安公高宗十八年遣佺如  
蒙古軍以土物遺其帥撒禮塔佺至見撒禮  
塔遙拜階下不荅佺以酒饌餉之撒禮塔饋

地瑛

以漣酪佺隨所勸能飲啖撒禮塔大悅二十  
一年卒子挺珍謚挺封桂陽侯珍封新陽伯  
姿端麗尚高宗女壽興宮主高宗四十三年  
卒追封公子淑澂淑封齊安公爲人廉正諳  
練典故時稱宗室儀表初尚元宗女慶安宮  
主後尚忠烈王女靖寧院妃忠烈二十一年  
錄三司事後進封大君忠烈薨忠宣即位如  
元命淑權署征東省事明年王在元遣郎將  
申彥卿傳旨曰齊安大君於屬爲叔翁主亦



是大姊供上依睿殿淑妃例又明年加三重  
大匡府院大君四年卒年七十五子眩封平  
陽公慶安宮主出也忠烈二十六年卒子璿  
璿璿忠宣二年封順正君後進封大君元仁  
宗在東宮璿妹伯顏忽篤得幸璿赴召如元  
尋授翰林學士三年奉御香還國故事迎御  
香不用禮服璿始遣人強百官用禮服忠肅  
三年西海道民多流移州郡空虛者五六海  
州亦納其印于都堂以璿奪州田五千餘結

眩

仁

故也命執璿家奴在海州擾百姓者流遠島  
璿嘗矯制起驛馬又於遼陽望海等地影占  
人戶二百餘口憑宮掖勢多行不法見王亦  
踞傲無禮六年元遣斷事官中藥哈里哈赤  
令史立友直等執璿以來王與元使鞠于行  
省杖五十七楨忠宣二年封懷仁君亦依妹  
勢恣行不法子璿封順仁大君徵封帶方公  
忠烈元年率衣冠子弟十人如元爲禿魯花  
王賜景靈殿五室白銀祭器十八年卒子昱



封中原公昱子珣瑀瑒封淮安大君珣子  
証讜諝訶証元尹讜史逸其封諝益城府院  
君諝子緩緝緩封益昌君緝一名敘初封益  
川君後封益山君尚恭讓王女肅寧宮主恭  
讓四年流遠地訶封昌寧君子琦封寧原君  
恭讓四年流遠地瑀封昌原君瑒封樂浪君  
瑒子昉封順安君恭讓元年與同知密直司  
事趙胖如 京師告即位子鬲聃鬲封永福  
君恭讓四年與贊成事權仲和如 京師謝

恩子回元尹聃封順寧君恭讓三年與司藝  
柳伯淳犯造言謗國之罪臺省刑曹會慈恩  
寺鞠之伯淳等不服及拷訊伯淳曰嘗與聃  
言諸將受命攻遼逗遛返旆宜若無功而今  
反受褒賞其回軍也沮王氏立子昌者亦勢  
之然也大臣以此繫獄昔毅宗武臣之亂宜  
可鑑也今儒者鄭道傳等謀弄國柄儻有前  
日之亂則吾等恐陷其禍聃亦具服臺省刑  
曹請加聃罪王曰聃宗室不忍加刑削屬籍



流見州杖流伯淳基州四年聃流遠地謫守  
司徒璞尚毅宗女安貞宮主加守司徒封咸  
寧伯宮主召伶人學琴遂私之明宗朝以璞  
不能治家詔削職居二年復職十五年卒珲  
神宗初守大尉上柱國延昌公珲子緝守司  
空緝婢爲崔忠粹所嬖明宗末忠粹與兄忠  
獻謀廢立乃曰宗室中唯緝博通經史聰明  
有度量若立爲主國可中興矣崔忠獻及朴  
晉材有異議不果禔睿宗朝授檢校戶部尚

徒

書柱國尋加檢校司徒守司空上柱國

檢校太師忠史逸

靖宗三子容懿麗妃韓氏生哀殤君昉樂浪

侯璫開城侯暉

哀殤君昉史逸

樂浪侯璫文宗六年冊爲開府儀同三司守

太保兼尚書令上柱國樂浪侯食邑三千戶

賜輸誠協理奉德功臣號

開城侯暉文宗六年冊開府儀同三司守太



流見州杖流伯淳基州四年聃流遠地謫守  
司徒璞尚毅宗女安貞宮主加守司徒封咸  
寧伯宮主召伶人學琴遂私之明宗朝以璞  
不能治家詔削職居二年復職十五年卒珺  
神宗初守大尉上柱國延昌公珺子縝守司  
空縝婢爲崔忠粹所嬖明宗末忠粹與兄忠  
獻謀廢立乃曰宗室中唯縝博通經史聰明  
有度量若立爲主國可中興矣崔忠獻及朴  
晉材有異議不果禊睿宗朝授檢校戶部尚

書柱國尋加檢校司徒守司空上柱國

檢校太師忠史逸

靖宗三子容懿麗妃韓氏生哀殤君昉樂浪

侯璫開城侯暄

哀殤君昉史逸

樂浪侯璫文宗六年冊爲開府儀同三司守

太保兼尚書令上柱國樂浪侯食邑三千戶

賜輸誠協理奉德功臣號

開城侯暄文宗六年冊開府儀同三司守太



文宗別行

尉兼尚書令上柱國開城侯食邑二千戶賜  
資仁保理佐化功臣號十六年卒謚慎殤  
文宗十三子仁睿太后李氏生順宗宣宗肅  
宗大覺國師煦常安公瑋道生僧統窺金官  
侯丕卞韓侯愔樂浪侯忱聰惠首座璟仁敬  
賢妃李氏生朝鮮公燾扶餘侯濼辰韓侯愉  
大覺國師煦字義天避宋拓宗諱以字行文  
宗一日謂諸子曰孰能為僧作福田利益耶  
煦起曰臣有出世志惟上所命王曰善遂隨

大覺別行

師出居靈通寺煦性聰慧嗜學始業華嚴便  
通五教旁涉儒術莫不精識號祐世僧統煦  
欲入宋求法王不許至宣宗時數請宰臣諫  
官極言不可二年四月煦潛與弟子二人隨  
宋商林寧船而去王命御史魏繼廷等分道  
乘船追之不及遣禮賓丞鄭僅等問過海安  
否煦至宋帝引見垂拱殿待以客禮寵數渥  
綈煦請遊方問法詔以主客貲外楊傑為館  
伴至吳中諸寺皆迎餞如王臣王上表乞令



還國詔許東還煦至禮成江王奉太后出奉  
恩寺以待其迎迓導儀甚盛煦獻釋典及經  
書一千卷又於興王寺奏置教藏都監購書  
於遼宋多至四千卷悉皆刊行始創天台宗  
置于國清寺已而南遊徧歷名山後退居海  
印寺及肅宗即位遣使迎還住持興王寺遼  
使王萼見興王寺小鐘歎羨曰我朝所未有  
煦謂萼曰吾聞皇帝崇信佛教請以此鐘獻  
之萼曰可煦請鑄金鐘二簋將獻于遼帝遂

屬回謝使孔目官李復先奏其意遼帝以萼  
奉使妄有求索加峻刑令勿獻及復還刑部  
奏治其罪煦病王幸搃持寺問疾尋卒王欲  
謚大覺中書門下省奏大覺者佛也僭佛號  
非煦意王不從政堂文學李頴言煦於上雖  
周親而按禮出家無服然才行俱優名重遼  
宋欲追贈國師不可不服於是王與群臣玄  
冠素服輟朝三日賜賻甚厚遂冊贈大覺國  
師又賜教門徒弔慰



常安公琇文宗二十五年授開府儀同三司  
檢校尚書令守司空上柱國平壤侯食邑一  
千戶二十七年王遣中書侍郎金行瓊衛尉  
卿李靖恭于尚書省行冊禮并賜印綬衣帶  
鞍馬匹段銀器布貨等物冊曰周開五等之  
封增恢茂業漢置七王之輔永耀丕圖伊制  
理之惟艱必宗藩而是賴宜遵縟矩益闡芬  
猷咨爾王子琇天縱藝能生知仁孝劉睦之  
謙恭育性孚体至和始興之清素飭躬雅符

飭  
飾

僉矚克膺德懋高映戚流乃推敦睦之懷俾  
示旌庸之眷授之大邑進以崇資今遣使某  
官某等持節備禮冊爲開府儀同三司檢校  
尚書令守司空上柱國平壤侯食邑一千戶  
於戲朕則舉不由私致加於公望爾則動無  
違禮勉奉於官常保以恩榮慎厥終始宣宗  
三年加守司徒食邑二千戶進封常安公獻  
宗即位加守太保元年卒謚英良  
道生僧統窺文宗二十四年命祝髮後住俗



離寺睿宗七年或告窺與尚書右丞金仁碩  
全州牧使李汝霖交通圖不軌王流窺于巨  
濟縣及其黨汝霖仁碩殿中少監河彥碩刑  
部尚書任申幸大卿李仲平刑部貢外郎李  
日肅將軍金澤臣宋英漢別將金有成知南  
原府事李綏寧朔鎮使李日衍崇教寺僧資  
尚弁仁碩汝霖申幸彥碩等子流遠地誅資  
尚于中路窺尋卒窺財累鉅萬厚施於人故  
貪利者多附之終以此敗

軌  
軌

鉅

金官侯丕文宗三十一年授特進檢校司空  
上柱國金官侯食邑一千戶丕有學術扶餘  
公遜嘗娶積慶宮主丕與愔愉等諫以爲不  
可娶同姓王不從宣宗三年進檢校尚書令  
守司徒食邑二千戶九年卒贈守太尉兼中  
書令食邑三千戶食實封五百戶王曰曩者  
章順侯無後而卒依浮屠法散骨今金官侯  
無嗣宜准章順例然此法出於釋氏不足依  
據宜卜地厚葬以求春秋之饗有司竟奏不



行謚莊憲

卞韓侯愔文宗三十一年授特進檢校司空  
上柱國卞韓侯食邑八百戶宣宗三年進檢  
校尚書令守司徒食邑二千戶九月卒謚章  
順

樂浪侯忱文宗三十七年卒追封樂浪侯  
聰惠首座璟

朝鮮公燾文宗十五年冊爲崇仁廣義功臣  
開府儀同三司檢校尚書令守司徒上柱國

朝鮮侯食邑二千戶三十一年進封公宣宗  
三年加守太保食邑三千戶獻宗即位加守  
太師肅宗立增封食邑五千戶食實封五百  
戶四年卒贈謚襄憲爵其子滋檢校太保上  
柱國源檢校司空柱國溫檢校工部尚書柱  
國六年滋以檢校太師守司空卒源肅宗加  
輸忠功臣特進檢校太尉守司徒尚肅宗女  
安壽公主封廣平伯進開府儀同三司封爲  
侯仁宗加守太保廣平公食邑二千戶食實



封五百戶子璪封安平伯尚睿宗女興慶公主明宗七年卒性恬靜好學經藝方技無不該貫書畫亦妙然好釋典臨終效禪僧作偈卒年六十一溫睿宗授上柱國仁宗加守太尉江陵侯食邑七百戶食實封三百戶尋卒生三女爲毅宗明宗神宗妃子瑛鶯瑛字玄虛性沉靜寡欲篤志于學毅宗初爲殿中內給事請赴試王嘉其志然以侯王之子下從貢士非例不允尚仁宗女承慶宮主封恭化

伯恩顧甚渥明宗即位進爲侯晚年酷好浮屠法十六年卒年六十一謚定懿子沔尚毅宗女和順宮主神宗授守司空上柱國廣陵侯後進爲公高宗五年卒性純厚沉靜工筆札多技能尤精醫術以畜藥活人爲事凡有疾瘡者皆造其門略無憚色人皆歎服鶯殿中內給事同正

扶餘侯遼文宗三十四年冊爲扶餘侯冊曰周樹維藩所以保絲興之運漢崇盤石所以



臻炎盛之期將圖社稷之寧必賴本支之固  
盍涓景範用舉寵章咨爾王子燕克疑挺姿  
至蘇稟粹讀書俱下於十行摘藻敏成於七  
步聲華既洽獎賁可稽是用迥陟五侯之列  
擢陞八座之榮疏以土茅賜之戶食今遣使  
某官某等持節備禮冊命汝爲開府儀同三  
司檢校司空守尚書今上柱國扶餘侯食邑  
一千戶於戲恩雖立愛義亦在公論德授官  
朕罔踰於制度出忠入孝汝祗率於典彝恒

守貴以勿驕益礪誠而匪懈敬佩嘉訓不其  
躋歟宣宗三年加守司徒食邑二千戶十一  
年進守太保肅宗即位制授守太傅食邑三  
千戶食實封三百戶四年以罪流京山府若  
木郡王以儒釋書賜之睿宗七年又以罪移  
巨濟縣流其子沔于進禮縣差內侍官迺守  
之燕道卒王聞之輟朝三日百官上表陳慰  
明年召沔還授司空  
辰韓侯愉宣宗三年授檢校太尉守司空獻



宗初進守司徒肅宗時加尚書令食邑六千戶食實封四百戶四年卒謚和信子沂演沂睿宗授檢校尚書右僕射柱國進檢校司空尚睿宗女大寧公主加檢校司徒守司空淮安伯食邑二千戶食實封三百戶賜贊化功臣號沂與及第崔道元進士白思允承旨權思道及吳世英等遊道元學陰陽術思允等皆無賴薄行沂與道元設醮山寺事聞鞫道元等不服沂與道元皆坐流沂尋召還仁宗

四年卒演睿宗授檢校戶部尚書柱國尚肅宗福寧宮主加檢校司徒守司空上柱國晉康伯食邑三百戶仁宗二十四年卒

宣宗四子思肅太后李氏生獻宗元信宮主李氏生漢山侯昫二子天史逸其名

漢山侯昫獻宗即位拜守司徒李資義欲奉昫為王伏誅肅宗流元信宮主及昫兄弟二人于慶源郡

肅宗七子明懿太后柳氏生睿宗上黨侯泌



高麗史卷九十一  
圓明國師澄儼帶方公補太原公倭齊安公  
晉通義侯僑

上黨侯似肅宗三年冊爲守仁輔德佐理功  
臣開府儀同三司檢校太保守太尉兼尚書  
令上柱國上黨侯食邑二千戶食實封三百  
戶四年卒謚順殤

圓明國師澄儼肅宗三年出家以祐世僧統  
煦爲師仁宗十九年卒贈謚圓明國師  
帶方公補肅宗七年下教命名賜禮物睿宗

元年授推忠廣義功臣開府儀同三司檢校  
太尉守司徒兼尚書令上柱國帶方侯食邑  
二千戶食實封三百戶四年封爲公冊曰興  
祖業者必固本支壯王室者須資藩輔眷言  
同氣時乃懿親稽典訓之文採臣工之議乃  
擇吉日特頒寵章咨爾大弟補膺帝扈之祥  
發靈源之粹仁義忠信曰天爵秉自生知詩  
書禮樂謂人文敏於時習口不言利欲之事  
身不近儉諛之人靜必修誠動斯中節居宗



室則睦友之道盛奉慈闈則愛敬之意深厥  
德茂焉朕心嘉止宜出綸而錫命寔備物以  
申恩分以上茅爵高於五等賜之袞冕制及  
於九章遣某官某等持節冊命爾爲推忠廣  
義功臣開府儀同三司檢校太保守司徒兼  
尚書令帶方公食邑三千戶食實封三百戶  
於厚恩莫深於骨肉義莫重於君臣爾其念  
骨肉之恩体君臣之義光贊我祖業尊獎我  
王室不其踴歟敬哉勗哉五年加翰忠功臣

守太尉帶方公食邑三千戶食實封三百戶  
備表讓不允九年加奉順功臣守太保食邑  
三千五百戶食實封三百五十戶後爲李資  
謙所構放京山府及資謙敗仁宗欲召還六  
年卒于貶所王聞之哀悼輟朝三日贈謚良  
簡追封開府儀同三司守太師中書令帶方  
公食邑五千戶食實封五百戶子瑜娶通義  
侯女仁宗十九年卒瑜子珙尚仁宗女永和  
宮主封邵城伯明宗十二年進守司徒邵城



侯珙性貪鄙凡市物遣家奴占奪不與直雖至樵蘇菜果亦如之賣者或就索其直輒遭歐辱民間多苦之樞密副使曹元正家奴入市賣二死雉珙奴奪之元正誣告法官曰我家奴持犀帶二腰過市珙奴強奪請取還法官囚其奴拷掠甚酷奴誣服珙當並坐賂元正白金六斤得免聞者雖疾元正誣妄亦喜珙挫辱也年四十八疽發背死國人皆喜曰吾儕得活矣珙子祐璿祐尚明宗女壽安宮

主封昌化侯神宗即位拜守司徒上柱國祐子汝守司空璿守司徒柱國爲人寡慾佞佛不營產業高宗三年卒有二女家貧未嫁不克襄事崔忠獻聞于玉官庀葬事

大原公侉肅宗七年下教命名賜禮物睿宗元年授奉義同德功臣開府儀同三司檢校太保守司徒兼尚書令上柱國大原侯食邑二千戶食實封三百戶四年冊封大原侯冊曰昔者仁君之於弟親愛故莫不欲其富貴



之也於是冊立褒崇之典舉矣朕祗承大統  
若涉深淵載惟永圖獎進同氣非特私骨肉  
之好思以奉宗廟之靈咨爾侂迪拓溫文休  
仁寬博岐嶷之姿日秀孝友之美夙成志勢  
而樂乎道克已而從於師宜崇胙土之封以  
固維城之望是用衍之邑采峻以階資仍加  
九錫之儀陞以五等之貴今遣某官某等命  
爾爲奉義同德功臣開府儀同三司檢校太  
保守司徒兼尚書令上柱國大原侯食邑三

巳  
己  
己

千戶食實封三百戶於戲敦族所以厚風俗  
立侯所以屏王家汝其居寵祿以當思危謂  
宴安而猶懷毒往慎乃位求孚于休五年加  
廣孝功臣守太尉俸表讓不允九年加守仁  
功臣進爲公食邑三千五百戶食實封三百  
五十戶十七年進太保尋爲李資謙所陷竄  
南裔仁宗七年召還授奉順同德守節贊化  
功臣開府儀同三司檢校太師守太保兼尚  
書令上柱國食邑三千五百戶食實封五百



戶八年王賜教曰卿負時偉望為世宗親賤  
在嶺南本非寡人之意今還闕下乃伸猶子  
之情錫之第宅之新加以物般之渥益修忠  
盡當体眷懷賜甲第一區及金銀器匹段鞍  
馬布貨穀宗二十四年卒子瑛授檢校司空  
上柱國封江陽伯毅宗二十二年進封侯  
齊安公僭肅宗八年下教命名賜禮物睿宗  
元年授翊聖致理功臣開府儀同三司檢校  
尚書令守司空上柱國封齊安侯食邑二千

戶食實封二百戶五年加奉化功臣守司徒  
食邑三千五百戶僭表讓不允九年加同德  
功臣檢校太保守太尉食邑三千戶食實封  
二百五十戶十年冊為翊聖致理奉化功臣  
檢校太保守太尉食邑三千戶食實封二百  
五十戶十七年進爵為公仁宗九年卒時李  
資謙用事奏貶帶方大原二公及諸有名望  
者僭恐不免請去諸侍衛軍士杜門不接賓  
客縱酒自晦故終免於禍謚思節子璋司空



素無賴好弓馬與直長同正李龜壽飲博擊毬毅宗弟僧冲曦在興王寺數往還遊戲興王寺管勾內侍朴懷俊奏二人意叵測毅宗九年削璋爵流龜壽于仁州璋憤恚死通義侯僑肅宗八年下教命名賜禮物睿宗元年封推仁贊化功臣開府儀同三司檢校尚書令守司空上柱國通義侯食邑二千戶食實封二百戶五年加奉節功臣守司徒食邑二千五百戶僑表讓不允九年加推誠功

臣檢校太保守太尉食邑三千戶食實封二百五十戶十年冊爲推仁贊化奉節功臣開府儀同三司檢校太保守太尉上柱國食邑三千戶食實封二百五十戶冊曰睦九族平百姓者堯之仁也蓋言自邇以及遐立萬國親諸侯者易之象也所以取法而垂訓故周詩有麟趾之詠漢制有犬牙之封者是其義也肆予一人稽若先憲乃眷天倫之屬實惟宗室之賢特舉寵章方行冊禮非敢私於骨



肉將以固於本支咨爾弟僑生則英奇妙有  
淑質少而莊重儼若成人孝悌之行成於內  
俊偉之聲達於外先君矜幼以最愛母后恤  
孤而至慈况茲藩翰之褒崇實乃朝家之典  
故宜頒明命而備物爰講縟儀以申恩是用  
授茅土以疏封為湯沐而賜邑於戲貴不期  
驕而驕自至祿不期侈而侈自至有勢榮必  
兼義榮得人爵勿弃天爵復斯言而無忽慎  
有終而如初衛社稷以盡忠奉君親而思孝

往踐乃位求孚于休十四年卒年二十三謚  
英章性聰銳好學愛賓客

仁宗五子恭睿太后生毅宗大寧侯暉明宗  
元敬國師冲曦神宗

大寧侯暉毅宗二年冊為侯暉有度量得衆  
心宦者鄭誠謀陷臺諫密誘散負鄭壽開誣  
告臺省及臺吏李份等怨王謀推戴暉為主  
王惑其言欲去之諫臣金存中請令有司按  
問果無驗黥壽開配黑山島流份於雲梯縣



誠思欲免咎又讒云外戚朝臣出入大寧侯家誠不誣矣先是存中與太后妹婿內侍郎中鄭敘及后弟承宣任克正有隙敘性輕薄有才藝交結大寧侯常與遊戲存中誠等構飛語以聞王疑之宰相崔惟清文公元庚弼等率諫官崔子英王軾金永夫朴翊等伏閣請曰鄭敘交結大寧侯邀其第宴樂遊戲罪不可赦御史臺又以敘陰結宗室夜聚宴飲囚敘及秘書正字梁碧戎器色判官金義鍊

大寧府典籤劉遇錄事李施王宥五人罷大寧府流暎奴金昂於懷仁筓樂工崔藝等流之臺諫伏閣更請知臺事崔允儀直入王所爭之召還李份杖流敘于東萊碧于會津義鍊于清州昂于撲島初敘餉暎惟清借以器至是臺諫又論惟清失大臣体貶南京留守使雜端李綽升在家不叅劾貶爲南海縣令皆敘妹婿也未幾吏部請錄敘惟清綽升罪于政簿制可十一年流暎于天安府更貶惟



誠思欲免咎又讒云外戚朝臣出入大寧侯家誠不誣矣先是存中與太后妹婿內侍郎中鄭敘及后弟承宣任克正有隙敘性輕薄有才藝交結大寧侯常與遊戲存中誠等構飛語以聞王疑之宰相崔惟清文公元庚弼等率諫官崔子英王軾金永夫朴翮等伏閣請曰鄭敘交結大寧侯邀其第宴樂遊戲罪不可赦御史臺又以敘陰結宗室夜聚宴飲囚敘及秘書正字梁碧戎器色判官金義鍊

大寧府典籤劉遇錄事李施王宥五人罷大寧府流暎奴金崑於懷仁筥樂工崔藝等流之臺諫伏閣更請知臺事崔允儀直入王所爭之召還李份杖流敘于東萊碧于會津義鍊于清州崑于撲島初敘餉暎惟清借以器至是臺諫又論惟清失大臣体貶南京留守使雜端李綽升在家不叅劾貶為南海縣令皆敘妹婿也未幾史部請錄敘惟清綽升罪于政簿制可十一年流暎于天安府更貶惟



清爲忠州牧使克正爲梁州防禦使敘妹壻  
右副承宣金貽永知昇平郡事綽升爲南海  
縣令徙配敘于巨濟縣時崔藝遇赦還京與  
妻不協妻誣告藝尚不悛往來大寧侯第五  
命崔褒僞鞫之無驗王素信圖讖不友諸弟  
疑猶不釋密諭諫臣論劾大寧侯及克正等  
罪又恐太后救之先遷太后於普濟寺陽若  
不得已而允之流矢之變王詔責宰樞不得  
賊於是逮捕絡繹疑大寧侯家僮羅彥有成

黃益等鞫問深刻彥等誣服諸王宰樞百僚  
耆老詣闕賀得罪人斬羅彥有成黃益及有  
成妻又以禁衛不謹流牽龍巡檢指諭十四  
人于田里

元敬國師冲曦一名玄曦明宗七年興王寺  
僧上變告僧統冲曦潛結僧徒謀逆鞫冲曦  
從者無驗釋之十年太后患乳癰召冲曦侍  
疾冲曦多亂宮女又通公主穢聲聞外右司  
諫崔誥上疏諷冲曦穢行請出之王覽書大



驚曰不意司諫離間我兄弟遂罷詆自後臺諫無敢言者朝臣皆附冲曦賄賂公行十三年死

毅宗一子莊敬王后生孝靈太子祈

孝靈太子祈初名泓毅宗七年冊封王太子

二十四年鄭仲夫作亂遷迎恩館尋放珍島縣

明宗庶子十餘人善思洪機洪樞洪規洪鈞洪覺洪貽皆諸嬖所生俱剃髮爲僧號小君

### 餘史逸

善思年甫十歲明宗命爲僧衣服禮秩與適無異出入禁中頗張威福時諸小君直授三重擇住名寺用事納賄僥倖者多附洪機洪樞洪規洪鈞洪覺洪貽明宗之廢同配海島



列傳卷第三

4

列傳

3

列傳卷第四

高麗史九十一

の三十一

正憲大夫工曹判書兼殿大提學知 經進春秋館事兼成均大司成臣鄭麟趾奉

教修

宗室二

廿七下、4

ルト分行六

襄陽公別行

神宗二子宣靖太后金氏生熙宗襄陽公恕  
襄陽公恕神宗三年封德陽侯後封襄陽公  
崔忠獻廢熙宗遷于江華放恕于喬桐縣恕  
子璋珣網僖璋守司空高宗三年卒性溫裕  
相貌奇麗有文雅好賢樂士謚懷敬珣守司

高麗史卷九十一



高麗史卷九十一  
空子諱裕禧諱守司徒裕禧皆守司空網封  
始安公子禎瑛諱禎守司空瑛封西原侯忠  
烈王十七年卒子玠瑛玠封益陽侯子琛熙  
璉琛封淳化侯恭愍九年五月卒子鈞珣珣  
鈺鈞初封定原君恭愍四年與大護軍金瑆  
如元獻方物五年奉御酒來進封定原伯七  
年如元賀正後改封府院君子恭讓王瑀恭  
讓二年追加四親爵益鈞爲三韓國仁孝大  
公琛爲馬韓國仁惠公妃申氏馬韓國明睿

妃玠爲辰韓國仁肅公妃朴氏辰韓國莊敬  
妃瑛爲卞韓國英憲公妃皇甫氏卞韓國順  
安妃瑀初封定陽君恭讓元年進府院君判  
門下改領三司宗簿寺事王旣追尊四親以  
瑀主其祀三年領門下府事至 本朝封麻  
田郡歸義君卒謚景禧子玠瑀玠封定康君  
瑀元尹珣初封鶴城侯後封鶴城府院君恭  
愍十年如元賀正道梗不果行王避紅賊幸  
福州珣與其弟平安君等二人謁行在辛禡



三年宦者金壽萬妻與珣爭田民謀害之乃  
與宦者金元老妻誣告珣將不利於上禍命  
巡軍守珣家鞠壽萬元老妻服誣妄禍以明  
德太后請竟不治勅有司禁宗室擅出入子  
和琚和封南平君恭讓四年流遠地子根元  
尹琚封寧平君珣封益原府院君子瑱封永  
原君瑱子瓊玟皆元尹鈺封平安府院君子  
琮瓚瓊玟皆元尹鈺封保定君瓚瓊皆  
元尹熙封寶城君子瑜環瑜封永昌府院君

後封慶昌大君恭愍十八年卒子順城君瑛  
永安君正尹璞永安君史逸其名環封永興  
君妻弟辛珣附辛晄伏誅緣坐流武陵島不  
知存沒者十九年妻辛氏聞環飄風至日本  
國請都堂私備金銀令家奴隨回禮使物色  
求之者數四辛昌元年其奴以所謂環者來  
爲人形容不類甚癡不知祖父名及所居田  
里辛氏從弟前判事克恭及其姻親前判開  
城府事朴天祥前密直副使朴可興知密直



李崇仁河崙曰吾等識環甚熟此實非環也  
辛氏自京山府來見喜甚曰知夫莫若妻遂  
訟于憲府憲府與門下府郎舍典法司巡軍  
雜治聚宗室及天祥等對辨環二子及兄僧  
出髓宗室諸君皆曰真永興也環女壻前判  
書李崇文崇仁弟也當初對以不知真偽及  
鞠之乃曰真吾婦翁也於是天祥克恭可興  
崙等坐誣流遠地子珊珩瑾珊順平君珩元  
尹瑾正尹璉封益興君子慎封福安君慎子

諛譜諮諛封定安君子璉珍璉封福康君珍  
元尹譜封福昌君諮封福原君恭讓四年六  
月流遠地璉封瑞興君忠烈朝以充魯花在  
元王惟紹宋邦英譜于王欲廢忠宣令璉繼  
尚寶荅實怜公主以爲後璉貌美王使之衣  
袷服數往來以觀公主公主素不謹行遂屬  
意於璉及惟紹等伏誅忠宣欲宥璉丞相不  
可使刑部并斬於文明門外諫守司徒億封  
永安公元宗四年卒



熙宗五子成平王后任氏生昌原公社始寧  
侯禕慶原公祚大禪師鏡智冲明國師覺膺  
昌原公社熙宗七年加元服冊為太子冊曰  
昔者聖人之作易也震以一索而為長男離  
以重明而照四方故先王之有天下莫不立  
元嗣以定群黎咸仰之懷以承萬世不朽之  
業咨爾元子社素稟聰靈之性夙凝岐嶷之  
姿寬博而謹慎恭敬而溫文肆朕稽諸方冊  
之訓言兼聽士夫之僉議爰擇良辰俾加寶

朽  
朽

冊今遣某官某等持節備禮冊命爾為王太  
子嗚呼勉茲諸善允蹈丕彝踈斥儉佞之人  
樂聞方正之言上念祖宗積累之休永享富  
貴康寧之慶豈不偉歟及崔忠獻廢王遷于  
江華社放于仁州後封昌原侯元宗三年卒  
始寧侯禕熙宗七年封為侯冊曰封立皇親  
藩屏王室蓋古今之常典亦邦國之宏規朕  
纘守丕圖欲光先業爰舉褒崇之禮大開冊  
命之儀咨爾禕毓德謙勤秉心恭儉弱不好



熙宗五子成平王后任氏生昌原公社始寧侯禕慶原公祚大禕師鏡智冲明國師覺膺昌原公社熙宗七年加元服冊為太子冊曰昔者聖人之作易也震以一索而為長男離以重明而照四方故先王之有天下莫不立元嗣以定群黎咸仰一懷以承萬世不朽之業咨爾元子社素稟聰靈之性夙凝岐嶷之姿寬博而謹慎恭敬而溫文肆朕稽諸方冊之訓言兼聽士夫之僉議爰擇良辰俾加寶

朽  
朽

冊今遣某官某等持節備禮冊命爾為王太子嗚呼勉茲諸善允蹈丕彝踈斥儉佞之人樂聞方正之言上念祖宗積累之休永享富貴康寧之慶豈不偉歟及崔忠獻廢王遷于江華社放于仁州後封昌原侯元宗三年卒始寧侯禕熙宗七年封為侯冊曰封立皇親藩屏王室蓋古今之常典亦邦國之宏規朕續守丕圖欲光先業爰舉褒崇之禮大開冊命之儀咨爾禕毓德謙勤秉心恭儉弱不好



弄但將書史以爲娛居無求安自得威儀之  
卒度學有緝熙之美志存忠孝之全定省不  
怠於親闈信厚見稱於公族德行旣著容止  
可觀肆布寵靈特頒爵號今遣某官某等持  
節備禮冊命爾爲檢校太尉守司徒上柱國  
始寧侯於戲驕奢滌佚勿虧戒慎之心富貴  
功名善保久長之慶祗承厥服求孚于休崔  
忠獻放于白翎縣子宏司空

慶原公祚忠烈五年卒明習典故世稱知禮

元宗有所疑必問於祚號宗室龜鑑及葬王  
許用紅大燭自是士庶人家皆用之子諱昉  
諱初名恂封廣平公尚元宗女咸寧宮主忠  
烈五年偕元使納塔哈伯那監督東征戰艦  
于慶尚道十一年卒王没入財物于内昉封  
定安侯

大禪師鏡智

冲明國師覺膺

高宗二子安惠太后柳氏生元宗安慶公湄



安慶公涓初名俛初封安慶侯高宗四十年  
進為公使蒙古乞罷兵明年還先遣人奏臣  
久染腥膻之臭請經宿進見王曰自爾去後  
祈天禱佛庶幾速見今既無恙還何用宿外  
悉焚爾所著衣更衣即來涓夜入謁王為之  
流涕左右皆泣下四十六年王薨涓居喪哀  
毀扶杖乃得行林衍廢元宗立涓為王未幾  
蒙古遣使詰衍擅廢立衍復立元宗廢涓後  
追謚為英宗子儼封漢陽侯尚忠烈王女明

順院妃子俛封桂陽侯

元宗三子順敬太后金氏生忠烈王慶昌宮  
主生始陽侯珙順安公琮

始陽侯珙元宗四年賜名加元服封為侯冊  
曰欲理其國先齊其家况子弟之廣封實國  
家之令則咨爾珙學就日將德與年豐肆靡  
我之好爵用立爾于上公無滯于逸于遊博  
究皇王之墳典非禮勿言勿動齋為宗室之  
表儀茂綏福履之休翊致泰平之業今遣某



官某等持節備禮命為開府儀同三司檢校  
太尉守司空上柱國始陽郡開國侯食邑三  
百戶食實封一百戶於戲恩雖父子義兼君  
臣體朕意之睠憐肩乃心於忠孝府曰始陽  
置典籤錄事各一人七年卒

順安公琮元宗四年賜名加元服封為侯冊  
曰廣置侯封以藩王室是古之常典非朕之  
私恩咨爾琮挺岐嶷之資蘊聰明之質朕之  
所以愛汝保汝汲汲望其成人者不惟天性

五支

之自然蓋為本支之益固肆頒位號用示寵  
光今遣某官某等命爾為開府儀同三司檢  
校守司徒上柱國順安郡開國侯食邑二百  
戶食實封一百戶於戲惟仁可以下獲民心  
惟德可以上承天命日慎所守時敏厥修夙  
夜惟寅服勤於子職明哲以保對揚於王休  
府曰大寧置典籤錄事各一人十年王如蒙  
古命琮監國十四年琮如元賀冊封帝以琮  
王愛子賜白金五百斤苧布八百匹他物比



世子行尤多後進封爲公琮素多病忠烈三年母慶昌宮主召盲僧終同問度厄之術遂設醮以禱埋真饌內豎梁善大守莊等誣告慶昌宮主與其子琮謀令盲僧終同呪咀上欲使琮尚公主爲王王命李摺印公秀李之氏印侯張舜龍車信鞠終同又命中贊金方慶密直使許珙監察侍丞趙仁規等鞠慶昌宮主及琮不服王召琮親鞠宰樞詣宮門請釋王欲籍琮母子家贊成柳敬曰今琮猶不

服宮主亦曰非敢呪咀但問禍福宜奏上國詔許然後籍之可也王遣仁規俟表奏公主請籍之王不可公主強之不得已從焉元宗愛琮賜以貨寶無算至是公主盡取之及仁規還自元帝曰順安公母子事任王處置於是廢慶昌宮主爲庶人流琮終同于海島十一年召還二十一年開府置屬

忠烈王三子齊國大長公主生忠宣王貞信府主生江陽公滋侍婢盤珠生小君湑



江陽公滋居長以非公主出不得立忠烈五年遣滋忠清道牙州東深寺以避世子九年召還公主賜衣後封爲公開府置屬三十四年卒子瑄曷墳瑄忠宣二年封丹陽府院大君忠肅後二年王在元瑄爲權省初貞和宮主兄僧住桐華寺冒良人爲隸蕃至千數百戶瑄等世役之整治都監申理歸良瑄挾憾欲訴于元過鴨綠江宰樞命忽赤等捕還紅賊陷京城瑄與典理判書印安等降于賊及

賊平監察司劾奏瑄等降賊凡沃土可居之處畿縣米穀所在無不指導棄國忘親罪莫大焉不可與愚民一視若以罪經赦宥則乞禁錮子孫籍沒田民以懲後人王從之子封陽原君史逸其名仕于元爲御史曷蒙古名完澤禿忠宣愛曷如己子養之宮中封延安君忠宣在元傳位忠肅以曷爲世子因留爲禿魯花忠宣嘗爲瀋王忠肅三年奏帝傳瀋王位于曷自稱太尉王遂封曷瀋王尚元梁



高麗史卷九十一  
王女梁王薊國公主兄也。曷因得公主寶物  
寵幸無比。忠宣愛護愈篤。曷遂懷覬覦。國人  
大半歸心。曷又得幸英宗皇帝。曹頤蔡河中  
等左右。曷謀奪王位。讒訴萬端。詔徵王入朝。  
先是忠宣在元。以從臣司僕正白應立能殖  
貨。令幹潘王府事。應立逃還本國。曷奏帝遣  
貧外郎阿都刺勅王發應立。還都。王不時奉  
行。曷譖云。王手裂其勅。及王入朝。帝怒詰責  
之。收國王印。遣翰林待制沙的等來訊之。使

者。給繹曷先遣其臣前護軍朴龜寄書宰相  
曰。爾王嗣位以來。酣酒嗜音。不迎帝使。不親  
庶務。夜與群小。變服微行。使幸臣尹碩李宜  
風孫琦等。假稱王命。逞其私欲。又信譖言。枉  
殺無辜官人。以私不以賢。勞父王勲。舊之臣  
皆置散地。或至流放。籍沒其家。爾等反爲逢  
迎。至使國綱大毀。事大之禮。後於諸國。爾等  
自今其省察之前者。阿都刺賈去。聖旨爾  
國王非唯不行。又失所在。沙的到日。明推以



對沙的在行省鞠式目都監錄事李允緘等  
允緘言臣賈 聖旨至王宮授代言安珪時  
有別駕徐允公見之沙的執阿都刺及允緘  
允公以歸帝命宗正寺鞠珪等珪辟及於王  
王未能自明丞相伯顏疑慮久而不決曷惡  
本國多輸錢財于王所遣其臣楊成柱以帝  
命責宰相金利用徵所輸錢財又以慶斯萬  
甄成裕嘗管輸送取其辭恐喝之曷又遣人  
稱鈞旨曰國王入朝時中外倉庫皆已告匱

刺  
刺

乃抽斂大小人戶備盤纏以來及被天譴至  
嚴規免罪辜賂事權貴費盡錢物又遣孫琦  
安均等于本國重斂于民帝聞之命刑部推  
徵國王曾不懲艾與惡小前護軍李恭謀遣  
代言安文凱郎將桓允全宰相金忻百戶金  
成萬等復加橫斂割取民膏連續轉運帝怒  
已囚文凱于宗正府遂押恭及允全成萬等  
發還宜即杖流海島汝宰樞不能諫正反爲  
之助至使民怨益深卿等雖聚斂以送固非



高麗史卷九十一  
國王所得擅用徒增國怨耳自今一皆禁斷  
違者奏聞痛懲於是赦流允全成萬恭及護  
軍康呂于島恭性抗直王在東宮屢進直言  
怒蹴其目眇及即位念其忠直驟加拔擢與  
呂爲王規曷動靜允全成萬船載布二萬匹  
獻王曷以故皆惡之曷黨十餘人忽自都下  
來言曷已得國國人盡狀王過惡以達于朝  
於是權漢功等上書中書省請立曷語在漢  
功傳王留元五年財用匱乏曷知其然遣其

臣祭酒白文珏郎將李淑貞以帝命封諸倉  
庫十年泰定帝立明年勅王還國復賜國王  
印章忠宣戒諭國人曰從臣引曹文構國王  
及瀋王以致閭墻之變其聽姦臣誑誘請立  
瀋王者子已諭國王毋念舊惡一皆原宥其  
悉知之於是宰樞召民部典書致仕李伯經  
前司憲掌令李東吉前民部議郎趙湜前成  
均樂正權賀等諭之皆爲曷謀議上書者也  
後二年王如元還國曷來謁行宮遂從王還



王薨高復如元止平壤陰與曹頤謀高臣朴  
全自平壤來詐言高已爲國王忠惠遣鷹房  
忽只六十餘騎於平壤欲止高不及而還忠  
惠後五年高還國忠穆元年卒葬以公主例  
子德壽封江陵大君子篤朶不花帖古不花  
篤朶不花襲高封瀋王奇后兄轍太子妃父  
盧頤等謀亂伏誅后與太子憾恭愍欲廢恭  
愍立篤朶不花篤朶不花固辭曰叔父無子  
百歲後國將焉往今叔父無恙吾而可奪叔

壤  
壤

父位耶乃以德興君塔思帖木兒爲王天下  
莫不賢之李公遂還自元言於王王嘉之問  
遺甚厚十五年八月遣使來王引見其使厚  
禮遣之帖古不花仕元爲中書平章事頃忠  
宣封延德君忠肅進封府院大君後坐奸衛  
士金永長妻下巡軍永長妻內侍閔元濟女  
本有穢行元中書省差脫脫帖木兒樞密院  
差脫隣御史臺差也素不花等來鞫頃于行  
省頃旣服當抵罪以兄高私謁釋不治忠穆



二年卒

小君湑初忠烈爲太孫金俊以崔誼婢盤珠納之得幸生湑公主亦愛之出入禁中號王小君拜中郎將欲襲王宿衛賂康守衡以請守衡以丞相安童言來告曰今湑率禿魯花來二年王以湑驕恣剃髮爲僧

忠宣王三子懿妃生世子鑑忠肅王德興君塔思帖木兒史失其母氏位

世子鑑小字宜忠嘗爲廣陵君後封世子忠

宣二年王在元殺鑑及其從者金義重等年返葬城南百官素服送之

德興君塔思帖木兒嘗爲僧忠定三年逃奔于元及奇轍誅皇后怨恭愍會本國人崔濡在元與群不逞說后謀構恭愍廢之立塔思帖木兒爲王奇三寶奴爲元子凡國人之在元者咸署僞官且請發遼陽省兵一萬渡鴨綠江至隨州遼川爲我軍所敗語在濡傳帝尋詔放遣遼陽兵達達將吏並赴朝廷塔思



帖木兒止帶素領僉從人等歸止永平王遣  
密直副使金庾如元請執送塔思帖木兒庾  
至遼陽知樞密院事黑驢謂庾曰帝勅臣杖  
塔思帖木兒百七還其本國今方背疽待其  
愈杖而歸之庾乃還初護軍裴自富與塔思  
帖木兒交通偽授密直副使事覺斬之  
忠肅王三子曹國長公主生龍山元子明德  
太后洪氏生忠惠王恭愍王  
龍山元子史失其名忠肅王與曹國公主幸

漢陽富原龍山生故稱龍山元子卒于元返  
葬年十七

忠惠王一子銀川翁主林氏生釋器

釋器忠定祝髮置萬德寺恭愍時元將召釋  
器王聞之遂召還五年王聞前護軍林仲甫  
欲奉釋器潛不肯執囚巡軍按治辭連前政  
丞孫守卿前密直洪峻監察大夫孫湧黃淑  
卿典校令鄭世功李大年姜不花前判事洪  
桂金成前內園丞朴蘭等十餘人悉繫獄時



湧方坐臺承命者來欲執湧以去同坐者皆  
錯愕不知所爲獨持平全遇祥正色曰臺官  
雖有罪當罷臺後就獄爾不可直入臺中治  
事如常湧詣巡軍獄官詰仲甫曰汝識孫湧  
乎對曰不知遂釋之斬守卿桂成仲甫等貶  
贊成事康允忠爲東萊縣令杖世功及漢城  
尹洪仲元薛起宗姜贊張萬林朱雲等皆守  
卿黨也安置釋器于濟州令李安鄭寶等押  
送至海中擗之於水釋器不死亡匿十二年

西北面都巡撫使田祿生報有稱釋器者在  
平壤府謀逆遣慶復興林堅味等捕之又分  
遣人諸道調兵爲備祿生與西海道都巡問  
使金庾獲所謂釋器者斬之傳首于京臬市  
又斬銀川翁主父林信及李安鄭寶并斬其  
黨金蔭徐天吉等六人然釋器事釁未著徒  
黨未集而遽殺人頗疑之乃大赦下教曰釋  
器非止庶孽實丹陽大君家婢所出往者孫  
守卿等倚以謀變既伏厥辜群臣皆謂宜除



禍本予不忍置刑命李安鄭寶安置濟州水  
精寺安等回言乘舟時墜海死已布告中外  
今西北面都巡問使田祿生密認釋器在部  
內誘集兇徒謀不執與西海道都巡問使金  
庾捕獲傳首至京予初疑之逮問釋器舅林  
信乃知其實非予失於保全自取顛覆耳李  
安鄭寶指生爲死欺罔不忠林信縱其亡命  
不即首告俱正典刑其兇徒金光秀金玉鏡  
崔黑驢李仁並不赦自餘誑誤一皆除之祿

生之搜捕也釋器亡走匿安峽民白彥麟家  
辛禍元年慶復興李仁任等聞之密奏以睦  
仁吉素識釋器貌與密直副使趙仁璧率兵  
同往捕之仁吉仁璧奄至彥麟家有英俊者  
捕釋器仁吉見之慘然釋器形貌奇偉言語  
不凡觀者皆謂此真王子也來至兔山仁吉  
遣人於朝請赦之時太后老不視事禍亦年  
幼仁任疑有變詭曰伏誅平壤者即釋器也  
今何妄稱耶乃與復興崔瑩等議累遣中使



禍本予不忍置刑命李安鄭寶安置濟州水  
精寺安等回言乘舟時墜海死已布告中外  
今西北面都巡問使田祿生密認釋器在部  
內誘集兇徒謀不執與西海道都巡問使金  
庾捕獲傳首至京予初疑之逮問釋器舅林  
信乃知其實非予失於保全自取顛覆耳李  
安鄭寶指生爲死欺罔不忠林信縱其亡命  
不即首告俱正典刑其兇徒金光秀金玉鏡  
崔黑驢李仁並不赦自餘誣誤一皆除之祿

生之搜捕也釋器亡走匿安峽民白彥麟家  
辛禍元年慶復興李仁任等聞之密奏以睦  
仁吉素識釋器貌與密直副使趙仁璧率兵  
同往捕之仁吉仁璧奄至彥麟家有英俊者  
捕釋器仁吉見之慘然釋器形貌奇偉言語  
不凡觀者皆謂此真王子也來至兔山仁吉  
遣人於朝請赦之時太后老不視事禍亦年  
幼仁任疑有變詭曰伏誅平壤者即釋器也  
今何妄稱耶乃與復興崔瑩等議累遣中使



禍本予不忍置刑命李安鄭寶安置濟州水  
精寺安等回言乘舟時墜海死已布告中外  
今西北面都巡問使田祿生密認釋器在部  
內誘集兇徒謀不執與西海道都巡問使金  
庾捕獲傳首至京予初疑之逮問釋器舅林  
信乃知其實非予失於保全自取顛覆耳李  
安鄭寶指生爲死欺罔不忠林信縱其亡命  
不即首告俱正典刑其兇徒金光秀金玉鏡  
崔黑驢李仁並不赦自餘誑誤一皆除之祿

生之搜捕也釋器亡走匿安峽民白彥麟家  
辛禍元年慶復興李仁任等聞之密奏以睦  
仁吉素識釋器貌與密直副使趙仁璧率兵  
司主捕之仁吉仁璧奄至彥麟家有英俊者  
持釋器仁吉見之慘然釋器形貌奇偉言語  
不凡觀者皆謂此真王子也來至兔山仁吉  
遣人於朝請赦之時太后老不視事禍亦年  
幼仁任疑有變詭曰伏誅平壤者即釋器也  
今何妄稱耶乃與復興崔瑩等議累遣中使

尺

偉言

尺

尺



督殺之然猶未忍殺崔仁祐至叱之曰庸僧  
妄稱王子敢惑亂人心令亟斬之始知死於  
平壤者乃釋器同行僧之歸俗者也禍賜仁  
吉仁璧等鞍馬以彥麟自首杖流之又以前  
判事鄭良輔前牧使李致知而不告下巡衛  
府鞫之致曰良輔語予云王子釋器生在安  
峽予云此必僞也古亦有此等事不可不察  
宜告宰樞雖拷訊甚慘竟不服乃斬良輔杖  
致一百釋器嫁民家女生一子潛寓前評理

梁伯益田廬事覺髡之置雞龍山未至陰使  
吏殺之流伯益

恭讓王一子順妃盧氏生世子諱

世子奭初名瑞封定城君恭讓即位冊爲世  
子諫官請開書筵乃以趙浚徐鈞衡李至爲  
師傅李舒金子粹禹成範姜淮季趙庸爲侍  
學三年聘前政堂文學李元紘女爲妃王下  
教賜禮物尋命如京師賀正帝寵待序  
次公侯下宴內殿者五又命朝官日開宴慰



高麗史卷九十一 十九  
之賜黃金二錠白金十錠段絹百匹從官以  
下賜銀帛有差明年乃還世子在京師以  
支俸之餘密令貿布遺嬖妾

公主

太祖九女

安貞淑儀公主神明王太后劉氏所生新羅  
王金傳入朝以公主歸之稱樂浪公主一云  
神鷹宮夫人

興芳宮主亦神明太后所生適元莊太子

別

大穆王后神靜王太后皇甫氏所生事見后  
妃傳

文惠王后貞德王后柳氏所生適文元大王  
貞

宣義王后亦貞德王后所生適戴宗旭生成  
宗后薨謚宣義祔戴宗廟穆宗五年加謚貞  
淑顯宗五年加靜穆十八年加匡懿高宗四  
十年加益慈

公主史失其號亦貞德王后所生適義城府



院大君

順安王大妃貞穆夫人王氏所生

公主史失其號興福院夫人洪氏所生適太

子泰

公主史失其號聖茂夫人朴氏所生適金傳

惠宗三女

慶華宮夫人義和王后林氏所生事見后妃

傳

貞憲公主

惠宗別行

明惠夫人宮人哀伊主所生

定宗一女

公主史失其號文成王后朴氏所生適孝成

太子

光宗三女

千秋殿夫人大穆王后皇甫氏所生適千秋

殿君

寶華宮夫人亦大穆王后所生

文德王后亦大穆王后所生事見后妃傳



成宗別行

成宗二女

元貞王后文和王后金氏所生事見后妃傳  
元和王后延昌宮夫人崔氏所生事見后妃傳

元和別行

顯宗八女

孝靖公主元和王后崔氏所生初封積慶公主  
顯宗二十一年卒謚孝靖  
天壽殿主亦元和王后所生  
仁平王后元成王太后金氏所生事見后妃傳

傳

景蕭公主亦元成王太后所生

孝敬別行

孝思王后元惠王后金氏所生事見后妃傳  
孝敬公主元平王后金氏所生

阿志別行

敬成王后元順淑妃金氏所生事見后妃傳  
阿志宮人朴氏所生適檢校少監并民相  
德宗二女

殤懷公主敬穆賢妃所生蚤卒

公主史失其號劉氏所生適檢校太師王忠



靖宗一女

悼哀公主容穆王后李氏所生文宗十一年卒謚悼哀

文宗七女

積慶宮主仁睿太后李氏所生宣宗三年適扶餘公燾

保寧宮主亦仁睿太后所生適樂浪公瑛睿宗八年卒陵曰溫謚慶順其餘仁睿所生二公主仁淑賢妃李氏所生二公主仁穆德妃

金氏所生公主皆蚤卒

宣宗三女

敬和王后貞信賢妃李氏所生事見后妃傳

公主史失其號思肅太后李氏所生蚤卒

遂安宅主亦思肅太后所生生而育年四十二嫁仁宗六年卒

肅宗四女

大寧宮主明懿太后柳氏所生適淮安伯沂肅宗八年冊為公主賜禮物睿宗九年卒謚

公主別行  
遂安別行



貞穆

興壽宮主亦明懿太后所生適承化伯楨肅  
宗八年冊爲公主睿宗六年生子遣承宣金  
沾賜禮物仁宗元年卒

安壽宮主亦明懿太后所生適廣平公源肅  
宗十年冊爲公主

福寧宮主亦明懿太后所生適晉康伯演睿  
宗九年冊爲公主性婉順爲兩宮所愛富爲  
宗室第一崇信佛法營飾塔廟甚勤仁宗十

一年卒謚貞簡

睿宗二女

承德公主文敬太后李氏所生適漢南伯杞  
仁宗二年冊爲長公主賜衣帶匹段金銀器  
鞍馬等物

興慶公主亦文敬太后所生適安平公璿仁  
宗二年封公主明宗六年卒

仁宗四女

承慶宮主恭睿太后任氏所生適恭化侯瑛



德寧宮主亦恭睿太后所生適江陽公瑛天  
姿艷麗舉止閒雅又善談笑毅宗每於花朝  
月夕召入內日夜酣歌醜聲聞外明宗二十  
二年卒

昌樂宮主亦恭睿太后所生適信安侯瑊毅  
宗五年封宮主高宗三年卒及葬以王外祖  
母素服減膳百官縗素一日  
永和宮主亦恭睿太后所生適邵城侯珙熙  
宗四年卒年六十八謚敬和

毅宗三女

敬德宮主莊敬王后金氏所生毅宗十一年  
冊為宮主十六年適司空評

安貞宮主亦莊敬王后所生毅宗十一年冊  
為宮主十七年適守司徒咸寧伯璞明宗五  
年與殿前加榮通事覺流加榮于海島

和順宮主亦莊敬王后所生毅宗十一年冊  
為宮主適廣陵侯沔

明宗二女



延禧宮主光靖太后金氏所生明宗三年冊  
為公主九年適寧仁伯禎

壽安宮主亦光靖太后所生明宗三年冊為  
公主九年適昌化伯祐

神宗二女

孝懷公主宣靖太后金氏所生適河源公璿  
神宗二年卒年十七王及后悼甚追封為興

德宮主

敬寧宮主亦宣靖太后所生神宗二年冊為

公主四年適始興伯佺

熙宗五女

安惠太后成平王后任氏所生事見后妃傳

永昌公主亦成平王后所生適丹陽伯楫

德昌宮主亦成平王后所生適永嘉侯崔瑋

嘉順宮主亦成平王后所生適新安公恮

貞禧宮主亦成平王后所生適永安公僖

康宗一女

壽寧宮主思平王后李氏所生康宗元年封

永昌別行

德昌別行

嘉順別行

貞禧別行



為宮主適河源公璿卒謚敬烈

高宗一女

壽興宮主安惠太后柳氏所生適新陽公珪

元宗二女

慶安宮主慶昌宮主所生適齊安公淑

咸寧宮主亦慶昌宮主所生適廣平公諤

忠烈王二女

靖寧院妃貞和宮主所生適齊安公淑

明順院妃亦貞和宮主所生適漢陽公儼

忠惠、別行

忠惠王一女

長寧公主德寧公主所生適元魯王元之亡也失於北平恭愍王遣尚書成准得告中書省索之

太祖高皇帝遣宦者訪天下軍前得於北京賜衣食遣還王聞而不悅幸耽密令左司議大夫吳中陸等上書曰婦人從一而終義不敢他適長寧公主本麟趾之孫其在元朝嘗有帷薄之譏我國之恥也當元朝離亂之際



卽節

又不能守卽徇身為虜獲于大明亦可恥也 大明猶念我祖宗之裔以歸于我殿下何以待之若優容而列於五殿以供奉如宗廟何如國人耳目何請寘邊遠以保其生不聽召入京命百寮出迎居德寧公主殿

恭讓王王女

肅寧宮主順妃盧氏所生適益川君緝貞信宮主亦順妃所生適丹陽君禹成範

敬和別行

敬和宮主亦順妃所生適晉原君姜淮季

牛尾

列傳卷第四

高麗史卷之二十一



高麗史卷之二十三



